

Press Kit

Program Kira Bunga Fabrik Sempena Pemecahan Guinness World Records dalam Acara Bunga Fabrik Terbanyak di Dunia

PUTRAJAYA, NOVEMBER 3, 2016 – Setelah menempa kejayaan dalam beberapa siri pemecahan rekod dunia Guinness dan juga Malaysia Book Of Records, Mostwell Sdn Bhd melalui usahasama Persatuan Seni Jahitan Kreatif (PSJK) dan Perbadanan Putrajaya (PPJ) akan melakukan percubaan pemecahan rekod Guinness Bunga Fabrik Terbanyak di Dunia.

Anggaran sebanyak 50,000 kuntum bunga fabrik yang dihasilkan oleh berbagai-bagai organisasi di Malaysia. Di antaranya, ahli-ahli Persatuan Seni Jahitan Kreatif seluruh Malaysia, Jabatan Penjara, sekolah-sekolah dan juga tidak terkecuali daripada beberapa Agensi Kerajaan. Mereka ini terdiri daripada penghuni penjara, warga emas, OKU, suri rumah dan juga mereka yang daripada latar belakang yang berbeza turut menyertai majlis pengiraan bunga fabrik ini. Bukan itu sahaja, bunga fabrik ini juga turut akan dipamerkan di Festival Kesenian Dan Kebudayaan Islam Antarabangsa Putrajaya (PIACUF 2016) yang dijadualkan akan berlangsung pada bulan Disember ini.

Bertemakan **RISE UP LIKE FLOWERS, UNIFIES AS FABRICS**, aktiviti pemecahan rekod dunia Guinness kali ini bertujuan untuk mengubah persepsi masyarakat mengenai kemahiran seni jahitan yang mana ianya tidaklah hanya sekadar untuk di jadikan hobi dan landasan untuk menjana pendapatan, tetapi ia juga mampu menjadi sesuatu yang amat bernilai sekiranya diberi peluang dan penambahan kreativiti di dalamnya. Siapa sangka, dengan hanya menggunakan secebis kain fabrik yang terpakai bersaiz satu inci, ia mampu memegang rekod dunia dan dikenali di peringkat antarabangsa.

Berkonsepskan kitar semula serta menanamkan sifat cintakan alam sekitar, penghasilan Bunga Fabrik ini terbukti telah berjaya mengasah kemahiran kreativiti dan inovasi mereka yang terlibat dalam proses penghasilannya. Perpaduan juga menjadi tonggak utama dalam menjayakan majlis perkiraan bunga fabrik ini di mana peserta yang terlibat dengan majlis ini rata-rata datang dari pelbagai latar belakang, agama, kaum dan status termasuklah juga banduan banduan dari penjara. Inilah sinergi kekuatan prinsip "*asalkan diberi peluang, sesiapa pun mampu menyumbang*" yang utuh dipegang dan diasaskan oleh Pengerusi Persatuan Seni Jahitan Kreatif, Madam Fully Chye Goet Lee selama ini.

Ternyata prinsip ini benar-benar memberikan kesan yang mendalam apabila Jabatan Penjara turut menggunakan prinsip yang sama dengan memberikan peluang dan sokongan kepada para banduan mereka untuk bersama-sama menyumbang bunga fabrik buatan mereka di dalam aktiviti pemecahan rekod Guinness Bunga Fabrik Terbanyak hari ini.

Ada juga di antara mereka yang pada awalnya tidak berminat langsung dengan dunia jahitan tetapi telah mengubah persepsi mereka dan terus meminati bidang ini apabila mereka sendiri yang menjahit bunga fabrik ini. Malahan, mereka juga turut menguasai kemahiran menjahit walaupun tidak mempunyai apa apa kemahiran tentang seni jahitan sebelum itu. Yang lebih mengharukan, kemahiran menjahit ini juga digunakan oleh para banduan untuk mengisi masa riadah mereka. Kini, kemahiran menjahit bukan lah

sekadar sebuah hobi, malahan ia juga telah dijadikan aktiviti masa lapang yang menguntungkan. Mengharukan bukan?

Inti pati daripada aktiviti pemecahan rekod ini sebenarnya hanyalah sebuah destinasi yang menjadi sasaran yang membanggakan buat kesemua peserta. Proses yang berlangsung dalam mencapai matlamat ini telah memberikan satu nilai yang tak mampu dinilai dengan wang ringgit dan itu yang membuatkan ianya lebih bermakna. Di samping menjamin masa depan yang cemerlang, ia juga meningkatkan kemahiran serta membantu dalam berhadapan dengan masyarakat.

Majlis pagi ini turut dihadiri oleh Pengarah Sistem Latihan Dual Nasional dari Jabatan Pembangunan Kemahiran, Tuan Mohamad Bin Yaacob dan Timbalan Penguasa Penjara dari Penjara Malaysia, Tuan Mohd Daud Bin Idris untuk menjadi saksi pemecahan rekod dunia kali ini sebagai syarat yang telah ditetapkan oleh pihak Guinness World Records.

Sebarang pertanyaan boleh menghubungi Pegawai Penyelaras Program, Puan Hairil Reyani binti Haron di talian 016-9205586 / 03-80685555 samb 123